

25 Oktober 2012

Jaargang 5 – Uitgawe 38

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Skeuring of hervorming?

Die afgelope week het dit bekend geword dat nog twee gemeentes van die Hervormde Kerk hulleself afgeskei het van die Kerk.

Hoewel die vyf gemeentes wat hulleself afgeskei het min in getal is, gaan dit in die Kerk van Jesus Christus nie om getalle nie. Dat daar hoegenaamd gemeentes is wat hulle afskei, is 'n tragedie. Daarom moet dieper gekyk word na die redes vir die afskeiding. Daar word beweer dat die Kerk die Bybels-Reformatoriese pad verlaat het; dat teoloë ongelowig is; dat die Kerk Jesus Christus verloën het; en dat die Kerk verkondig dat mense hulleself kan red. Indien sulke beskuldigings waar sou wees, is die bewerings natuurlik uiters ernstig. Dan sou die Hervormde Kerk inderdaad nie meer kerk van Jesus Christus wees nie, maar 'n dwaalkerk.

Wie egter stil is en met gespanne aandag en met nugterheid luister na alle stemme in die Kerk, na predikante wat op Sondae preek, na gemeentes wat tot eer van die Here sing, kom tot die oortuiging dat bogenoemde bewerings nie waar is nie.

Dat daar liberale elemente in die Hervormde Kerk is, en 'n liberale teologie wat 'n relativistiese Skrifbeskouing voorstaan, is waar. Dat daar teoloë is wat neig na vrysinnigheid, is wel ook waar. Dit blyk selfs dat daar ampsdraers is wat vir die gevestigde orde in terme van erediens, liturgie en sakramente geen respek het nie. Die Kerk behoort deur haar opsighoudende vergaderings met diegene die pad van opsig en indien nodig tug te loop sodat die suiwer Bybels-Reformatoriese teologie gehandhaaf word.

Die teendeel is egter ook waar. Wie stil is en met nugterheid en balans probeer luister, hoor ook ander vreemde stemme in die Kerk. Ook die steedsHervormers het die pad van die Bybels-Reformatoriese teologie verlaat. Eweneens minag *hulle* die Kerkorde en besluite van die Kerk en beroep hulle op die sekulêre reg omdat hulle meen dat hulle geviktimizeer word wanneer hulle tot kerklike en kerkordelike verantwoording geroep word. Van die steedsHervormers staan nou separatisme voor. Hulle beskou die belydenisskrifte as verhewe bo die Skrif; hulle kondig in ekumeniese taal (waarteen hulle dit juis het) 'n *Status Confessionis* oor hulle medegelowiges af. Dit alles spreek van 'n hoogs bedenklieke teologie wat allermins Hervormd is.

Die huidige Kommissie van die Algemene Kerkvergadering het besluit om nie in diens van enige groep te staan nie. Dit maak nie saak hoe sterk groepe se aanslag is of hoe emosioneel hulle daarop aanspraak maak dat hulle die waarheid beet het en daarom verklaar *dat hulle hier staan omdat hulle nie anders kan nie*. Die Kommissie is nie bereid om onder die druk van groepe te swig nie, ongeag hoe die Kommissie beswadder of beskinder word. Die Kommissie is nie bereid om te swig voor 'n ideologiese regse, Skrifbeskoulik fundamentalistiese en konfessionalistiese aanslag nie. Die Kommissie is net so min bereid om te swig voor 'n ideologiese linkse, Skrifbeskoulik relativistiese en vrysinnige aanslag. Die Kommissie voel geroepe om die Hervormde Kerk as kerk van Jesus Christus te dien deur toe sien dat die besluite van die AKV uitgevoer word en die orde in die Kerk bewaar word.

Die Kommissie leef met swaar ironie saam: Die Kommissie word deur sommige opgeroep tot bekering; ander versoek dat die Kommissie moet bedank; ander swaai die Kommissie lof toe; ander verkwalik die Kommissie omdat geoordeel word dat die Kommissie te sag is en nie ferm genoeg optree nie.

Die Kommissie neem kennis van al die kritiek. Christene behoort mekaar immers tot bekering op te roep. Die Kommissie erken hierdie oproep tot daaglikse bekering en doen dit ook. Maar miskien moet die hele Kerk dit dan doen. Miskien moet elkeen minder die ander blameer en moet ons maar saam tot bekering kom. Dan ontdek ons dalk dat die huidige proses nie soseer skeuring of afskeiding is nie, maar hervorming. En daardie ontdekking sal ons tot diepe selfinsig, hartseer, maar ook tot nuwe hoop vir die toekoms bring.



Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

Dr Daan van Wyk (jr)



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep ontvang

- **Ds Deirdre van der Merwe** (beroepafwagting) na die Bethlehem/Reitz-kombinasie (benoeming)
- **Ds Jan Prinsloo** (emeritus) na Dullstroom (werkooreenkoms)

Beroep aanvaar

- **Ds Deirdre van der Merwe** (beroepafwagting) na die Bethlehem/Reitz-kombinasie (benoeming)

Vakante standplase

- **Gemeente Randfontein Midpark** beskik oor 'n **vakante voltydse standplaas** en beplan om eersdaags te beroep. Die gemeente bestaan uit 380 belydende lidmate met 'n gemiddelde ouderdom van sowat 45 jaar. Daar is begroot vir 'n traktement volgens skaal tot 8 jaar. Predikante wat belangstel, word genooi om **voor 31 Oktober 2012** met die skriba, mev Hester Esterhuizen, by 011 692 3236, of ds Wilhelm Steyn by 012 348 2932 in verbinding te tree. Die gemeente behou die reg voor om enige predikant van die Kerk te beroep, en is nie verplig om net uit die persone wat met die gemeente geskakel het, 'n keuse te maak nie.

PREDIKANTE EN GEMEENTES

Stuur asseblief berigte oor lief en leed aan produksie@nhk.co.za.

- **Mev Babs Botha**, vrou van emerituspredikant prof Schalk Botha, sterk tuis aan na 'n suksesvolle knieervanging. Sy het vier jaar gelede ook in die ander been 'n knieervanging ondergaan, en ons vertrou dat sy eersdaags 'n nuwe huppel in haar stap sal hê!
- Emerituspredikant **ds Wynand de Beer** is die afgelope week weer geopereer na die motorongeluk waarin hy en sy vrou, Rika, 'n paar weke gelede was. Hulle herstel tans by hul kinders in Pretoria. Ons wens hulle spoedige beterskap toe.
- Gemeentes word vriendelik daaraan herinner dat die huidige boekjaar van die **Bybelgenootskap** op **31 Oktober** sluit. Bydraes aan die Bybelgenootskap moet die Bybelgenootskap dus **voor 31 Oktober** bereik om in die verslae aan die ringsvergaderings en AKV van 2013 gereflekteer te kan word. **Alle gemeentes in die RSA** word daaraan herinner dat bydraes asseblief direk oorbetal moet word aan die Kempton Park Administratiewe Sentrum **en nie** aan enige ander Streekkantoor van die BSA of die ring of die Raad van Finansies nie. Gemeentes moet hul eie donateursnommer (soos wat dit in die gereelde finansiële state verskyn) as verwysing gebruik. **Let asseblief daarop dat daar nuwe nommers toegeken is aan 'n aantal gemeentes wat voorheen vanuit Bloemfontein bedien is maar in Gauteng, Mpumalanga of Noordwes geleë is. Moet asseblief nie die ou nommers gebruik nie.** Die BSA se **bankbesonderhede** is soos volg: Bybelgenootskap van Suid-Afrika, ABSA Kempton Park, takkode 632 005, rekening nommer 260 220 748. Bevestig alle inbetalings per faks by 011 970 2506, of per e-pos aan nortje@biblesociety.co.za. Die **bydraemikpunt** vir vanjaar is steeds **R35** per belydende lidmaat.



Ds Deirdre van der Merwe

Ds Jan Prinsloo

Bydraes vir maandelike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na produksie@nhk.co.za gestuur word.





- Die **Bybelgenootskap van Namibië** se finansiële boekjaar sluit op **31 Desember**. Gemeentes in die **ring van Dorsland** word vriendelik versoek om hul bydraes aan die Bybelgenootskap **teen einde Desember** oor te betaal. Die deurkollekte van **Hervormingsondag (28 Oktober)** moet asseblief saam met bogenoemde teen einde Desember oorbetal word. Die bydraemikpunt soos vasgestel deur die AKV is R35 per belydende lidmaat. Die **bankbesonderhede** is soos volg: Bybelgenootskap van Namibië, Bank Windhoek, takkode 482172, rekening nommer 113 125 2201. Gemeentes moet hul **naam** (NH Windhoek) as verwysing gebruik wanneer oorbetalings gemaak word. Indien oorbetalings nie direk in die bankrekening van die Bybelgenootskap gedoen kan word nie, kan dit gepos word na Privaatsak 13294, Windhoek. Ds Barnie van der Walt kan by 061 235 090 of 081 127 1694 geskakel word indien daar enige navrae is, of stuur 'n e-pos aan gensec@nambible.org.na.
- Die **NHSV** spog met 'n splinternuwe webblad. Besoek hulle gerus daar, by www.nhsv.org.za.
- **NHSV: Beurse en lenings vir 2013**. Die NHSV beskik oor beurse/lenings vir studente in enige studierigting. Slegs lidmate van die Nederduitse Hervormde Kerk kwalifiseer vir die toekennings. Die lenings/beurse wissel van R2 000 tot R6 000. Aansoekvorms kan afgelaai word by die NHSV se nuwe webadres, www.nhsv.org.za, onder NHSV kantoor, pro-forma dokumente. Die sluitingsdatum vir aansoeke is **15 November 2012**. **Geen laat aansoeke word aanvaar nie**.
- **Gemeentes** moet hul **bestellings vir die kerklike tydskrifte teen 1 November** aan mev Susann van Zyl stuur by sentik@nhk.co.za of faks 086 633 4054. Die pryse vir 2013 is soos volg: *Konteks* 10 uitgawes teen R150 (R18 per individuele eksemplaar), *Die Hervormer* 11 uitgawes teen R110 (R12 per individuele eksemplaar), en die *Almanak/Bybelse Dagboek* teen R120. Vir individuele eksemplare van die *Almanak/Bybelse Dagboek* wat gepos moet word, is posgeld van R30 addisioneel betaalbaar.
- **Individue** wat reeds ingeteken is om die **kerklike tydskrifte** te ontvang, moet asseblief aandui of hul intekenings hernu moet word. Dit sal nie outomaties voortgaan sonder dat u bevestig nie. Kontak mev Van Zyl asseblief **ook voor 1 November** daaroor.
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies; ABSA; tjekrekening nommer 020-000-287; takkode 632-005; verwysing SENTIK-EM.
- Die besending **Kerkbybels** wat teen net R100 elk beskikbaar was, is **uitverkoop**, maar SENTIK bied nou 'n verdere hoeveelheid aan teen **R140 elk** (posgeld uitgesluit), solank die voorraad hou. Vanaf 1 Januarie 2013 sal die Kerkbybel weer teen R200 (posgeld uitgesluit) verkoop word. Bestel van mev Susann van Zyl, 012 322 8885 x291, faks 086 633 4054 of e-pos sentik@nhk.co.za.
- Die **14de preekskets**, deur **dr Wim Dreyer**, is op Woensdag 24 Oktober aan predikante gestuur; dié preekskets handel oor Psalm 1 en is gerig op Sondag 28 Oktober se Hervormingsfees.
- **Gemeente Windhoek** benodig 'n Hervormde predikant om op **Sondag 23 Desember, Sondag 30 Desember en Sondag 6 Januarie** in Windhoek te preek. Die predikant kan gratis in die pastorie bly. Vir meer inligting, kontak die



gemeentelike kerkkantoor by nedherv@mweb.com.na, of ds Frans Ras by fhras@worldonline.co.za.

- **Preekbeurte in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of nhkdullstroom@yahoo.com.

Spesiale eredienste en feesnaweke

- **Optrede van leerders van Prinshofskool en Transoranje-skool se gebaretaalkoor**
Sondag 28 Oktober om 08:00: Gemeente Midrand
Navrae aan ds Paula Eksteen-Erasmus by 011 702 3046 of 083 282 5121
- **Gemeente Swartkop: Sondag 28 Oktober: Nagmaaldiens**
Herdenking van 40-jarige bestaan
Gelei deur ds David Barnard, lank predikant in die gemeente
Oudpredikante sal die tafels bedien
Navrae aan Hannelie Beytell by 012 654 3471 of nhswkop@telkomsa.net
- **Gemeente Dullstroom: 2-4 November**
Viering van 125ste bestaansjaar
(Gestig 2 November 1887)
Oudlidmate, oudpredikante en konsulente
kan foto's/ervarings/gelukwensings stuur
Almal welkom om saam te kom feesvier
Navrae aan Johanna Pieterse by 072 116 3353
- **Gemeente Pretoria-Oos: 2-4 November**
60-jaar-viering
Alle oudlidmate welkom
Nagmaal Sondagoggend
Feeskonsert Sondagmiddag (sien bladsy 7)
Navrae aan gemeentelike kerkkantoor by 012 460 8441
- **Gemeente Glencoe: Vrydag 7 Desember: Tyd later bekend**
Buitediens op walle van die Wasbankrivier, distrik Glencoe,
waar die Geloofte die eerste keer afgelê is
Kliplegging na die diens
Almal welkom
Bring 'n klip van jou omgewing saam met die naam van jou gemeente
Kontak ds Pieter Bester by 082 899 6564 / 034 212 1815
pieterbester@telkomsa.net

Predikanteverjaardae

- **Die volgende predikante verjaar tot 2 November, en word hartlik geluk gewens.**
 - Donderdag 25 Oktober: Prof Eddie Engelbrecht (emeritus) en ds Chris Liebenberg (Waterberg)
 - Vrydag 26 Oktober: Di Hennie Nel (Potgietersrus) en Skip Scheepers (Middelburg)
 - Saterdag 27 Oktober: Di Kathleen Smith (Kaapstad) en Pieter Smith (Witrivier)
 - Sondag 28 Oktober: Ds Colin Hertzog (Middelburg-Noord)



- o Maandag 29 Oktober: Ds Freek van der Merwe (emeritus)
- o Dinsdag 30 Oktober: Di Anet Dreyer-Krüger (Rustenburg-Suid), Wilhelm Steyn (emeritus) en Werner Venter (Schoemansdal)
- o Donderdag 1 November: Ds Roelf Coertze (emeritus)
- o Vrydag 2 November: Ds Naas Lombard (Suidoos-Witbank)

Beplande vergaderings

- Donderdag 25 Oktober: Raad van Finansies (Begroting)
Redaksie van *Die Hervormer*
Werkwinkel van die Ondersteuningsraad
- Vrydag 26 Oktober: Raad van Finansies
- Dinsdag 30 Oktober: Welstandskomitee

Kursusse en toerusting

- **Gemeente Pretoria: Woensdag 31 Oktober vanaf 09:00**
39ste Kongres van die Kerkhistoriese Genootskap
Tema: *Die Godsbegrip – Reformatoriese perspektiewe*
Opening deur prof SJ Botha
Prof IWC van Wyk (AIM): *‘Die eerste gebod en die God van die eerste gebod’ met verwysing na Philipp Melanchthon en Zacharias Ursinus*
Prof CFC Coetzee (Noordwes-Universiteit): *Die Godsbegrip soos dit deur die Heidelbergse Kategismus begrond en bely word*
Ledevergadering 11:30-12:00
Afsluiting 12:00
Uitstalling van gedenkpenninge en historiese munte
Navrae aan dr JMG Storm (083 308 1030 / nhmeyerspark@lantic.net)
of dr Christo Pretorius (083 651 9634 / praetorc@telkomsa.net)
- **Hervormde Teologiese Kollege (HTK): Openbare lesing**
Woensdag 31 Oktober om 19:00
Prof Andries van Aarde oor sy boek *Fatherless in Galilee*
Waarom is die boek geskryf?
Insigte wat Jesus-studies oor afgelope 200 jaar opgelewer het
Teologiegebou, lokaal 1-25, gratis toegang
Kontak dr Christo van der Merwe by christo.vandermerwe@up.ac.za
- **Gemeente Montana: Vrouekonferensie**
Saterdag 3 November 09:00 tot 15:00, registrasie 08:30
Vrugte van die Gees – hoe leef ek as vrou dit uit?
Spreker: Belinda Moser van Radio Kansel
R100 per persoon (verversings en ligte middagete ingesluit)
Geskenkpakkies en pryse te wen
Uitstallings se produkte te koop
Navrae aan Esme Taljaard by 087 802 1109 of nhkmontana@gmail.com
- **Voortgesette Teologiese Toerusting vir Predikante (VTT)**
Dinsdag 6 en Woensdag 7 November
Tema: *Missionale Diakonaat. Saam in diens met verstand, hart en hand*
By Gemeente Wapadrant
Koste **R320** per persoon
Navrae aan mev Betsie Brits by betsie.brits@up.ac.za of 012 420 5393
Registrasiefooi verkieslik vooraf elektronies of per bankdeposito
Kerkgeld vir Kerkwerk; ABSA; rekening nommer 020 149 752; kode 63 20 05
Verwysing 2013K VTT (gevolg deur naam van kursuganger)

Beskikbare behuising

- **Ons Tuis (Riviera)**
Tehuis vir versorging van verswakte bejaardes
Volledige versorgingsfasiliteit wat insluit:
 - o 24-uur mediese versorging
 - o 3 maaltye per dag
 - o Sekuriteit
 - o Gereelde sosiale aktiwiteiteVir meer besonderhede, skakel matrone E Mans by 012 329 3623
Aansoekvorms kan afgetrek word van www.otmt.org
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**
Behuising vir seniorburgers
Daar is tans die volgende behuising beskikbaar:
MET VERSORGING
1 dubbelkamer (verkieslik 'n egpaar) – 24-uur-versorging
Koste per persoon R5 500 per maand
(sluit in 3 etes per dag, wasgoed en kamer skoonmaak), opnamefooi R3 000
SELFVERSORGING
 - o A-gang: 1 enkelkamer, R3 050 per maand
(ingesluit 3 etes, wasgoed en kamer skoonmaak 1 x per week)
 - o B-gang: 1 dubbelkamer (egpaar) – R3 050 per persoon
(ingesluit 3 etes, wasgoed en skoonmaak van kamer 1 x per week)
 - o H-gang: 1 ruim kamer met eie badkamer, stoepie en tuintjie
(ingesluit middagete) – R3 000 per maandEenmalige opnamefooi van R3 000
Ondersteunende dienste beskikbaar
Kontak matrone Alet Botha by 056 811 2185 vir meer besonderhede



Studentewoonstel te koop in Pretoria

- * Veilige omheining en parkering
- * Volledig toegerus
- * Loopafstand vanaf Universiteit van Pretoria en winkelsentrum

Kontak Magda 082 979 4446

Konserte en feeste

- **Vrydag 26 Oktober om 19:00: Gemeente Rooihuiskraal**
Mathys Roets as deel van gemeente se Dankoffermaand
Toegang gratis
Kosverkope vanaf 17:00 by kerkgebou
hv Konstantyn- en Santiestraat, The Reeds, Centurion
Plaas asseblief vooraf bestellings vir etes
Geen plekbesprekings vir die vertoning nie – neem van 18:00 af plekke in
Navrae aan Erika of Karen by 012 657 1281 (Ma-Vry 09:00-12:30)



- **Sondag 4 November om 16:00: Gemeente Pretoria-Oos**
Songs of Praise met Richard Cock
hv Dely- en Matroosbergweg, Waterkloofpark
Ter viering van gemeente se 60ste bestaansjaar
Eddie Davey, Pieter van den Berg, Laerskool Constantiapark,
Laerskool Pretoria-Oos
Kaartjies slegs by gemeentelike kerkkantoor beskikbaar
Skakel 012 460 8441 gedurende kantoorure
Kontak 012 460 8441 / 072 041 3954 met navrae
- **Sondag 18 November 15:00 tot 17:00: Gemeente Johannesburg-Wes**
Katedraal – orreluitvoering wat vol sale by KKNK getrek het
Ockie Vermeulen, befaamde orrelis en kurator van UNISA se orrel
Ander gaskunstenaars
Tenbystraat-Suid 15A, Westdene, Johannesburg
R100 per persoon
Kontak Johann by 011 888 9190 of 082 628 6077

Kampe en toere

- **Vrouekamp 2013**
*My nooi is in 'n nartjie, my ouma in kaneel,
daar's iemand... iemand in anys,
daar's 'n vrou in elke geur!*
Merk jou dagboek: 19-21 April
Stof af jou gunstelingteekoppie
Mopani Lodge, net buite Pretoria
Sprekers ds Janine Bevolo-Manders en ds Marna Naudé
R550 per persoon (akkommodasie en etes ingesluit)
Kontak Jana Peenze by 083 7345 426 of janapeenze@vodamail.co.za
of Stefanie Theron by 082 825 7944 of stef1@absamail.co.za

Sportbyeenkomste

- **Vrydag 23 November: Gemeente Vaalpark: Gholfdag**
12de jaar!
Emfuleni-gholfbaan, Vanderbijlpark
R1 400 per 4-bal (sluit in baanfooie en aandete)
Spelers wat onder die eerste 30 eindig (hoogste punte), kwalifiseer vir 'n prys
Kontak Danie le Roux by 082 816 8453 of Johann Hugo by 082 920 9455

Kompetisies en fondsinsamelings

- **Gemeente Brits: Boufondsversoek**
Dra by tot die gemeente se boufonds
SMS **KERK** na **48716** en dra R10 by
Fondse word gebruik om die geboue te herstel
Meer as een SMS is baie welkom
Navrae aan ds Kobus Celliers by 012 252 0158
- **Gemeente Hartebeeshoek: Fotokompetisie**
Tyd om kameras op te neem en te begin soek na *VOETE* en/of *SKOENE*
Tema: *In sy voetspore*
Reëls en voorwaardes geld
Goeie pryse met professionele beoordeling
Kontak Theresa Oosthuizen by theresa@northernfoods.co.za
- **Gemeente Horison Roodepoort: Naweek van 26-27 Oktober**
Liturgiese blommeskou by die kerk



Alle blommerangskickers word genooi om in te skryf
Vir meer inligting of 'n inskrywingsvorm, kontak Hannie Cripps by 084 549 4102

- **Gemeente Kampersrus: Vakansiekompetisie**
Trekking: 27 Oktober
Wen naweek ter waarde van R28 000
3 nagte verblyf vir 2 persone in 5-ster Kapama Lodge
(alle etes asook wildritte ingesluit)
Olifantritte, lugballonrit, spabehandeling in hartjie van Bosveld
Besoek aan Cheetah-projek in Hoedspruit en R2 000 sakgeld
Kaartjies R100 elk
Navrae aan ds Marius Kramer by 083 310 6042
of by gemeentelike kerkkantoor kampersrus@nhk.co.za

Basaars en markte

- **Vrydag 26 Oktober vanaf 09:00: Gemeente Piet Potgieter op Potgietersrus**
Jaarlikse Kersmark
Unieke Kersgeskenke en 'n middag- en aandete
Gebak en speletjies vir die kinders
Skakel Anna by 084 580 7050
- **Vrydag 26 en Saterdag 27 Oktober: Gemeente Witfield in Boksburg**
Basaar
Vrydag vanaf 16:00
Proe-aand van wildsvleis, R20 per bord
Raai reg en wen 'n blesbok
Saterdag van 09:00 tot 13:00
Al die gewone lekkernye
Skyfskietkompetisie, tombola, bingo, Fantasia Models
Swartwitpens Jagtersvereniging: aanbieding oor wapenveiligheid
Vendusie: skryf Pa in om 'n koek te versier
Navrae aan Adri Nel by 011 826 5978 of 084 200 1027
- **Saterdag 27 Oktober: Gemeente Kempton Park-Oos**
Bosveld Kontreifees
09:00 tot 17:00
Verskeie uitstallers, kosstalletjies, pret vir kinders, potjiekoskompetisie
Mnr & Mej Kontreifees
Gaskunstenaar Thys die Bosveldklong om 14:00
Toegang R10 per persoon
Kontak ds Anneline Geyer by 082 924 7344
- **Vrydag 2 November: Gemeente Benoryn: Kers-nagmark**
17:00 tot 21:00
hv Struben- en De Miststraat, Rynfield, Benoni (langs Linmed-hospitaal)
Pannekoeke, boereworsrolle, vetkoeke, kerrie-en-rys, skaappotjie
(bestel vooraf vir die potjie)
Koop al jou Kersversierings en geskenke by ons!
Kinders kom gooi jul briefies vir Kersvader in ons posbus
Kom geniet aand onder die sterre
Navrae en kosbestellings aan ds Marlize Gasson by 072 117 0317
of 011 849 1179
- **Saterdag 3 November: Gemeente Koster: Kersmark**
Op kerkerrein in Sauerstraat, Koster
Van 08:00 tot na middagete
Sanger Henry van Dyk
Genoeg te koop in verskillende prysklasse



Geskenke: lekkernye, juwele, naaldwerkitems, skilderye, versierings vir binne en buite die huis, Persiese mat, speelgoed, u spesiale foto met u naam se betekenis daarby, drukwerk op hemde of koffiebekers, borduurwerk, handsakke, serpe...
 Vleisafel met kwaliteit en billike pryse
 Al die tradisionele eet- en drinkgoed
 Middagete: skaap op die spit met slaai en varsgebakte brood
 Teetuin heeldag beskikbaar, volop parking
 Navrae aan dr Elmie Castleman by 014 566 1447

- **Saterdag 3 November en elke eerste Saterdag van die maand daarna
 Gemeente Rustenburg: Gesinsmark**

09:00 tot 15:00

By tweede kerkterrein te Rhenosterfontein, buite Rustenburg
 Slegs handgemaakte produkte, vars produkte uit die grond en items wat Trots Suid-Afrikaans is
 Gaskunstenaars, aktiwiteite en stalletjies wat kinders betrek
 Nog enkele stalletjies beskikbaar
 Vir meer besonderhede, kontak Mari by 084 208 7445

Gemeente Ogies is 60 jaar oud!

Om dit te herdenk, word 'n feesnaweek beplan vir 16 tot 18 November 2012
 Gemeentelede en alle belangstellendes kom op die kerkterrein kamp

Vrydagaand 18:30 Mathys Roets – toegang gratis
 Saterdag 19:00 Kerssangdiens
 Sondag 09:30 Nagmaal
 Alle oudlidmate en -predikante welkom om saam hierdie mylpaal te kom herdenk
 Vir meer inligting, skakel ds Robby Pienaar by 083 457 5956
 of Ivan Enslin by 082 386 2500
 of Louwtjie Joubert by 082 492 3837

- **Saterdag 1 Desember: Gemeente Ventersdorp: Minibasaar**

09:00 tot 14:00

Baie vleis vir die Kersvakansie
 Veel te eet en drink

Kontak gemeentelike kerkkantoor by 018 264 2245
 of ds Marius Jansen van Vuren by 072 850 4960 of 018 264 2236

- **Vrydag 1 en Saterdag 2 Februarie 2013: Gemeente Nelspruit
 Maroela-karnaval 2013**

Vrydag 14:00 tot 22:00

Saterdag 08:00 tot 22:00

Terrein van Hoërskool Bergvlam, Nelspruit

R50 per persoon (vir een of albei dae, kinders onder 12 gratis)
 Navrae en kaartjies: 013 741 1455

ANDER NUUS



- **Die Ondersteuningsraad (OSR)** is tans hard aan die werk met die maak van hul **bemarkings-DVD** – dit is 'n kort videogreep wat daarop sal fokus om hul dienste meer bekend te maak in gemeentes. Vir hierdie geleentheid is 'n fotosessie gehou by die OSR se kantore in Capital Park. Ds Thinus van Staden was die fotograaf en het homself tussen die grimering van die *modelle* en ywerige maatskaplike werkers uitstekend van sy taak gekwyt. Danette Viljoen het haar

dienste as grimeerkunstenaar ook gratis aangebied. Die OSR is opgewonde oor die vooruitsig van die videogreep! Hiermee dus hul opregte dank aan almal wat saamgewerk het en spesifiek ook aan die ADV wat die fondse beskikbaar stel vir die video-opname wat nog moet plaasvind, asook vir die verspreiding van die DVD. Die foto's maak 'n integrale deel van die videogreep uit. Dankie ook aan die *modelle* wat geduldig alles moes doen wat vir hulle voorgesê is, en aan dr Wian Kloppers van SENTIK vir sy waardevolle insette.



- **Oktober = Internasionale Swangerskap- en Babaverlies-bewuswordingsmaand.** Alle ouers en families wat 'n swangerskapverlies (miskraam of stilgeboorte) of 'n neonatale babadood ervaar het, kan die Herinneringsdag bywoon.
 - **Sondag 28 Oktober om 11:00**
Wiesenhof Legacy Park (geleë op die R44 net buite Stellenbosch)
Gasspreker Braam Klopper
Onthou-staptog, plant 'n Boom van Herinnering en hou piekniek in die natuur
Toegang gratis
Vir meer inligting en RSVP: Luzanne@mymiskraam.co.za
of skakel 082 335 3975
Sien ook <https://www.facebook.com/#!/events/358751610870011/>
 - **Sondag 28 Oktober om 12:00**
Brooklyn Metodistekerk (Botshelo House), Murraystraat 209, Brooklyn
Klein intieme seremonie waartydens 'n Boom van Herinnering geplant word ter herinnering aan die babas
Toegang gratis
Gesamentlike inisiatief van The Compassionate Friends (Pretoria),
Sonja Smith Begrafnisgroep en Butterfly Moms
Vir meer inligting en RSVP: retha7@gmail.com of leial.dewet@gmail.com
of skakel 0820511563
Sien ook <https://www.facebook.com/#!/events/235155129945392/>
- **VAKATURES VIR ONDERWYSPORTE**
Privaatskool met 210 leerlinge
100 km noord vanaf Polokwane, Alldays-rigting
 1. Onderwyser in Engels (Tweede Taal) grade 8-12
 2. Onderwyser in Wiskunde
Basiese onderwyskwalifikasies – Wiskunde vir graad 12**Aanvangsdatum: Januarie 2013**
Posvereistes:
 - Erkende onderwyskwalifikasie noodsaaklik;
matriekondervinding sal voordeel wees
 - Bewese ondervinding in aanbieding van die vakke
 - Beginselvaste, belydende lidmaat van een van dié 4 Kerke:
Hervormd, Gereformeerd, NG, APK
 - Getuigskrif van predikant
 - Onderrig in AfrikaansVerblyfeenhede op perseel vir gebruik van personeel
Wanneer alle eenhede vol is, sal ander verblyf gereël word
Stuur CV en getuigskrif van predikant na global@workforceworldwide.com
Navrae aan Janet Lourens van Workforce Worldwide by 011 532 0000

Transoranje Instituut

- Die Bestuur van **Transoranje Instituut vir Buitengewone Onderwys (TOIBO)** wil graag elke gemeente wat vanjaar tot die fondse van die Instituut bygedra het, van harte bedank. Deur u rande en sente te deel, het u verseker dat daar **SONSKYN** gebring kon word in die lewe van die kind met 'n gestremdeheid, in die besonder dié wat minderbevoorreg is.



Kyle Louw



Tebogo Mokgalagadi

- Twee **oudleerders** van Hoërskool Martie du Plessis vir Serebraalgestremdes (een van die TOIBO-skole), **Kyle Louw** (rolstoel-basketbalspan) en **Tebogo Mokgalagadi** (atletiek), was lede van die SA Paralimpiese span wat in Londen aan die spele deelgeneem het.
- **Transoranje-skool vir Doves: Kersmark**
23 November tot 2 Desember
Tshwane Events Centre, Saal L, ingang hek P8 in Kerkstraat
Gratis toegang, kaartfasiliteite, 300 uitstallers, teetuin
Fondse ten bate van die kind met doofheid

Beeld-Kinderfonds 2012

- **KOMPETISIE**

Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Wen 'n motor, 'n seereis, 'n vakansie of kontantpryse. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

- **KERSKONSERT**

Woensdag 28 November

Moreletapark-gemeente

Juanita du Plessis, Manie Jackson, Joe Niemand, Nadine en ander

Kaartjies R75, R100 en R150

Bespreek by iTickets.co.za of per telefoon by 086 100 0291

Ete vooraf teen R115 – bespreek by info@beeldkinderfonds.co.za of 073 749 2697

7 Bybelstudies vir individuele en groepstudie



'n Venster word 'n spieël

Die Brief van Judas vir gelowiges vandag

Francois Tolmie

R40,00

e-aankope: www.bybelmedia.co.za



Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie.

Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. **GEEN** advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke

Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads**

Adverteerders moet asseblief daarvan kennis neem dat die **laaste uitgawe van die e-Hervormer vanjaar op Donderdag 29 November** verskyn, en die **eerste uitgawe van 2013 op Donderdag 17 Januarie**.

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Baie dankie vir die getroue versending van die *e-Hervormer*. Ek was so moedeloos gesukkel om dit *oop te maak*, maar uiteindelik het ek vandag ons rekenaar reggekry... dus lees my man, Vaatjie, nou amper onophoudelik! Baie dankie vir al jul moeite. Groete uit 'n vaal Kalahari.. die eerste reëns het wel geval, maar ons wag vir die volgende!”

JGJ Lourens

“In 'n onlangse uitgawe van die *e-Hervormer* het prof Bieks Beukes 'n sterk saak daarvoor uitgemaak dat klein gemeentes soos Durban-Suid, waar hy as emeritus werk, nie minder kerk is as groot gemeentes nie. So pas het die vakante gemeente Roedtan sy standpunt onderskryf deur R103 000 in te samel met hul jaarlikse basaar. Dit is 'n bewys dat waar lidmate saamstaan en saamwerk, klein gemeentes kan oorleef en selfs 'n voorbeeld kan wees vir groter gemeentes. Roedtan het maar 'n skrale 83 lidmate, wat beteken dat hulle meer as R1 000 per belydende lidmaat ingesamel het.”

Ds WP Prinsloo (Emeritus)

AGTERBLAD

Tydskrifte November 2012



Konteks www.konteks.co.za
Gedrukte uitgawe vir vandag - November/Desember 2012

In Konteks van November/Desember 2012

- Predikant kry nuwe hart, nuwe lewe
- Fotokompetisie vir oupas, oumas en kleinkinders
- Maak kennis met gemeentes in die ring van Germiston

Slegs R15 per individuele uitgawe
Prys vir 2013: R150 vir 10 uitgawes

Bestel by sentik@nhk.co.za of by u gemeentelike kantoor



Die Hervormer www.hervormer.co.za
Amptelike maatskappij van die Nederduitse Hervormde Kerk van Afrika

In Die Hervormer van November 2012

- Advent – tyd om voor te berei vir die wederkoms
- Meer oor die Hervormde middelgrond
- Nabetragting oor Predikantevergadering 2012

Slegs R10 per individuele uitgawe
Prys vir 2013: R110 vir 11 uitgawes

Bestel by sentik@nhk.co.za of by u gemeentelike kantoor